



GIG  
CYMRU  
NHS  
WALES

Addysg a Gwellu Iechyd  
Cymru (AaGIC)  
Health Education and  
Improvement Wales (HEIW)

## Rhaglen Gynefino ar gyfer Hyfforddwyr

Dydd Mawrth 3 Hydref 2023

### Proffiliau Arddangoswyr

Bydd arddangoswyr yn bresennol drwy gydol y dydd i hyrwyddo eu gwasanaethau a darparu gwybodaeth i'r cynrychiolwyr. Mae croeso i chi ymlwybro heibio'r stondinau yn ystod yr egwylion am luniaeth a rhwydweithio.

#### Academi Addysgwyr Meddygol (AoME)

Mae'r Academi Addysgwyr Meddygol (AoME) yn sefydliad elusennol sy'n bodoli i hyrwyddo addysg feddygol er budd y cyhoedd.

Dyma'r sefydliad proffesiynol i bawb sy'n ymwneud â hyfforddi ac addysgu meddygon, cymdeithion meddygol, deintyddion a milfeddygon.

Yr Academi yw'r corff sy'n pennu'r safonau ar gyfer addysgwyr meddygol yn y DU. Mae ei Safonau Proffesiynol yn diffinio'r lefel o gymhwysedd y dylai addysgwyr meddygol ei meithrin fesul cam yn eu gyrfaedd. Mae'r Safonau'n darparu fframwaith cydnabyddedig i weithwyr proffesiynol arddel eu harbenigedd mewn addysg feddygol drwy achrediad fel athrawon meddygol. Mae cydnabyddiaeth gan AoME yn tystio i sgiliau a chymhwysedd wrth wneud cais am ailddilysu, dyrchafiad a chymeradwyaeth fel hyfforddwr.

Mae gan yr Academi dros 1,300 o aelodau ledled y DU a thu hwnt, sy'n elwa o'r canlynol: modd o gyrchu rhwydwaith o addysgwyr meddygol ar bob lefel o ran dilyniant gyrfa; cylchlythyrau, e-lythyrau a diweddariadau rheolaidd yn sgil y gymuned ar-lein; rhaglen o gyfarfodydd a digwyddiadau academiaidd, gan gynnwys Darlith Calman flynyddol a chynadleddau cenedlaethol y gwanwyn a'r hydref; grwpiau diddordeb arbennig; gwobrau a rhoddion AoME, a chymorth i ymgeisio am wobrau cenedlaethol a lleol.

#### CANOPI

Mae Canopi yn cynnig gwasanaeth cymorth iechyd meddwl cyfrinachol am ddim i staff gofal cymdeithasol a gofal iechyd yng Nghymru.

#### Arweinwyr Cyfadran

Cyflogir Arweinwyr Cyfadran gan AaGIC i weithio o fewn Timau Cyfadran Bwrdd Iechyd/Ymddiriedolaeth i gynorthwyo, rheoli, traddodi a gwella hyfforddiant ac addysg feddygol. Mae ganddynt gyfrifoldeb am un neu ragor o feysydd craidd o ran gweithgarwch addysgol:

- Ansawdd: Ymorol am systemau rheoli ansawdd, llywodraethu addysgol a gweithredu safonau GMC o fewn yr LEP a darparu pont gyswllt rhwng cyfarwyddiaethau, AaGIC ac Ysgolion Hyfforddiant Arbenigedd (gan gynnwys Ymarfer Cyffredinol) a Hyfforddiant Sylfaen. Mae Arweinwyr Cyfadranau hefyd yn darparu cyngor a gwybodaeth ar gynnal safonau ansawdd a monitro hyfforddiant yn ystod cyfnodau o newid darpariaeth gwasanaeth.
- Hyfforddwyr: Cynorthwyo a datblygu hyfforddwyr i gyflawni eu rolau, proffesiynoli rôl yr hyfforddwr ac ymdrechu i wella ansawdd yr hyfforddiant yn barhaus;

- Hyfforddeion: Sicrhau darpariaeth systemau priodol o gymorth i hyfforddeion a hyrwyddo 'llais yr hyfforddeion' ac ymgysylltiad hyfforddeion â mentrau gwella ansawdd.

Ewch i stondin yr Arweinwyr Cyfadran i ddysgu rhagor am y rolau, sut y gall yr Arweinwyr Cyfadran eich cynorthwyo fel hyfforddwr a sut y gallech ddatblygu eich gyrfa mewn addysg feddygol a dod yn Arweinydd Cyfadran yn y dyfodol.

## E-lyfrgell GIG Cymru

Mae e-Lyfrgell GIG Cymru yn gartref i ffynhonnell fwyaf GIG Cymru o dystiolaeth a gwybodaeth ddigidol gan gynnwys e-Gyfnodolion, e-Lyfau, cronfeydd data, crynodebau o dystiolaeth, gwybodaeth am feddyginiaethau, canllawiau proffesiynol, e-ddysgu a mwy. <https://elh.nhs.wales/about-us/nhs-wales-e-library-leaflet/>

Gellir cyrchu adnoddau'r e-Lyfrgell ar unwaith ar rwydwaith GIG Cymru, neu drwy eich cyfrif *OpenAthens* GIG Cymru, sy'n annog a chynorthwyo Hyfforddwyr a Hyfforddeion i gyrchu e-adnoddau cenedlaethol o ansawdd uchel gan gynnwys:

- Modiwlau E-ddysgu ar ystod amrywiol o bynciau gan gynnwys sgiliau clinigol, diogelu a rheoli gwrthdaro. Mae tystysgrifau ar gael ar gyfer modiwlau a lwyddir i'w pasio.
- Mae Crynodebau Tystiolaeth, a gynlluniwyd i'w cyfeirio atynt ble darperir gofal, yn ffynhonnell wych ar gyfer ystyriaethau myfyriol i ddirnad cleifion fel unigolion. Gyda fideos, trosolygon clinigol, cyfrifiannellau a hyd yn oed hidlwyr cydafiachedd mae'r adnoddau hyn yn fodd eto i gynorthwyo Hyfforddwyr a Hyfforddeion.
- Mae'r Canllawiau Proffesiynol yn hyrwyddo cyfleoedd gweithio fel tîm amlddisgyblaethol a all arwain at wella profiadau cleifion, optimeiddio deilliannau cleifion a hybu hunanofal a lles.
- Cynnwys dibynadwy o ansawdd uchel a adolygir gan gymheiriaid ar gyfer eich anghenion ymchwil a thystiolaeth.

Dechreuwch heddiw, <https://eli.gig.cymru/>, neu gysylltwch â'r tîm gydag unrhyw gwestiynau: [elibrary@wales.nhs.uk](mailto:elibrary@wales.nhs.uk).

## Gwasanaeth Llyfrgell a Gwybodaeth GIG Cymru

Mae Gwasanaeth Llyfrgell a Gwybodaeth GIG Cymru yn bartneriaeth rhwng pump ar hugain o lyfrgelloedd ieuchyd GIG Cymru a Phrifysgol Caerdydd ar draws wyth Bwrdd Iechyd Prifysgol/Ymddiriedolaeth gyda chymorth a chyllid gan Addysg a Gwella Iechyd Cymru (AaGIC) a Phrifysgol Caerdydd. Mae'r gwasanaeth yn hyrwyddo ymarfer sy'n seiliedig ar dystiolaeth a'i nod yw darparu gwasanaeth llyfrgell a gwybodaeth o ansawdd uchel i holl staff GIG Cymru yn ogystal â myfyrwyr ar leoliad clinigol. Pendrawdod hyn yw ategu a chyfnerthu gofal cleifion, ymchwil, addysg barhaus, gwella ansawdd a datblygu sefydliadol ar draws ysbytai a lleoliadau gofal sylfaenol a chymunedol yn lleol, rhanbarthol a chenedlaethol.

## Uned Cymorth Proffesiynol, Addysg a Gwella Iechyd Cymru

Mae'r Uned Cymorth Proffesiynol (PSU) yn bodoli o fewn y Gyfarwyddiaeth Feddygol, Addysg a Gwella Iechyd Cymru ac yn cynnig swyddogaeth alluogi ar gyfer hyfforddeion. Mae'r PSU yn cynnig cymorth ac arweiniad rhagweithiol a chynhwysfawr i alluogi dilyniant i hyfforddeion a'u hyfforddwyr sy'n ymroi i raglenni hyfforddiant meddygol, deintyddol a fferyllol. Drwy anogaeth 1:1, mae'r PSU yn gweithio gyda hyfforddeion i nodi amcanion i ddatrys pryderon ar sail hyfforddiant a phryderon personol—i liniaru'r effaith ar gynnydd a lles hyfforddeion a diogelwch cleifion. Rhan annatod o waith sylfaenol y PSU yw cynhyrchu a thraddodi gweithdai i gynorthwyo hyfforddeion a hyfforddwyr. Mae'r gweminarau a'r gweithdai yn meithrin dealltwriaeth o bwrpas cymorth ac yn hyrwyddo diwylliant o gydraddoldeb ac amrywiaeth.

Mae Uned Ansawdd Addysg a Gwella Iechyd Cymru yn gweithio i sicrhau bod cyfleoedd ac amgylcheddau addysg a hyfforddiant rhagorol yn cael eu darparu i hyfforddeion meddygol a deintyddol ôl-raddedig ledled GIG Cymru. Gwna hyn drwy fonitro a datblygu rhaglenni addysg a hyfforddiant trwy gymhwyso proses rheoli ansawdd ar sail risg; trwy ddatblygu a rheoli isadeiledd y Gyfadran ar draws GIG Cymru; hwyluso rhaglenni gwella ansawdd; a chynnal prosesau llywodraethu addysgol ar draws Byrddau Iechyd/Ymddiriedolaethau GIG Cymru.

Cynhelir gweithgarwch yr Uned mewn cydweithrediad agos â chydweithwyr Hyfforddiant Arbenigol a Darparwyr Addysg Lleol ledled GIG Cymru yn ogystal â chydweithwyr yn Ysgolion Meddygol Prifysgol Caerdydd ac Abertawe i gysoni dulliau gweithredu ar draws continwwm addysg a hyfforddiant meddygol. Yn ogystal, mae'r Uned yn gweithio gyda chydweithwyr ym maes nyrsio a phroffesiynau gofal iechyd eraill i annog dull amlbroffe signol o addysgu a hyfforddi wrth symud ymlaen er mwyn diwallu anghenion y boblogaeth i'r dyfodol.

Mae'r Uned hefyd yn gyfrifol am gydnabod a chynorthwyo hyfforddwyr meddygol. Os oes gennych unrhyw gwestiynau ynghylch eich rôl hyfforddwr, ynghylch sut i ddod yn hyfforddwr cydnabyddedig a chofrestru ar gyfer Cytundeb Hyfforddwyr Meddygol Cymru Gyfan (Gofal Eilaidd ac Addysg Israddedig), neu ynghylch y cymorth a'r cyfleoedd datblygu sydd ar gael, galwch heibio'r stondin ble bydd y tîm yn barod i'ch helpu.

Mae Tîm Efelychu AaGIC hefyd yn bodoli o fewn yr Uned Ansawdd. Sefydlwyd y Tîm Efelychu yn 2020, sy'n cynnwys Deoniaid Cyswllt a chydweithwyr o amrywiaeth o gefndiroedd proffesiynol, clinigol a darpariaeth addysg, gan ddod ag ystod eang o brofiad ynghyd ar sail efelychu, arwain a rheoli. Ers sefydlu'r tîm, mae ei waith wedi'i sylfaenu ar dair prif egwyddor (1) modd teg o gyrchu addysg a hyfforddiant seiliedig ar efelychu i bawb ar draws y gweithlu gofal iechyd yng Nghymru (2) pwysigrwydd addysg a hyfforddiant rhyngbroffesiynol (3) safonau allweddol yn sail i'r holl addysg a hyfforddiant seiliedig ar efelychu a draddodir.